

Morning Dogri (NSD) National News Bulletin 14-06-2024

आकाशवाणी

खबरां विकास शर्मा कोला।

1. प्रधानमंत्री नरेन्द्र मोदी होर अज्ज ईटली दी अपुलिया थाहर जी-7 आउटरीच शिखर सम्मेलन च हिस्सा लैंगन।
2. अजीत डोभाल होरें गी इक बारी पही राष्ट्रीय सुरक्षा सलाहकार नियुक्त कीता गेआ, जिल्ले के डॉ. पी.के.मिश्रा प्रधानमंत्री हुंदे मुख्ख सचिव होंगन।
3. लोकसभा स्पीकर दा चुनां 26 जून गी होग। 18मीं लोकसभा दा पैहला इजलास 24 जून थमां शुरू होग।
4. कुवैत च होई दी अग्ग लगने आली घटना च मरने आले 45 भारतीय नागरिकें दी अस्तियएं गी इक विशेष डोआरी राएं मुख्ख च वापस आंदा जा'रदा ऐ।
5. मौसम विभाग मैहकमे ते मुख्खे दे उत्तरी-पूर्वी ते उत्तरी-पच्छमी हिस्से च गर्मी सरबंधी ऑरेंज अलर्ट आली चेतावनी जारी कीती ऐ।

<><><><><><>

PM Meet G-7

प्रधानमंत्री नरेन्द्र मोदी होर अज्ज ईटली च जी-7 शिखर सम्मेलन च हिस्सा लैंगन। ओह जी-7 आउटरीच शिखर सम्मेलन च हिस्सा लैंगन। ओह कल रातीं ईटली पुज्जे हे। उंदा ईटली दा दो दिन दा दौरा ऐ। इस दौरे पर ओह ईटली दी प्रधानमंत्री जॉर्जिया मेलोनी हुंदे साद्दे पर गे न। इस शिखर सम्मेलन दे अलावा ओह होर दुए मुख्खें दे नेताएं कन्नै दपक्खी बैठक लांगन। एहदे अलावा उंदा अंतर्राष्ट्रीय संगठनें कन्नै मिलने दा बी कार्यक्रम ऐ। जी-7 च कनाडा, फ्रांस, जर्मनी, ईटली, जापान, बरतानिया ते अमरीका शामिल ऐ। प्रधानमंत्री नरेन्द्र मोदी होर अज्ज जी-7 शिखर सम्मेलन दे बक्ख-बाहरें कुल संसारी लीडरें कन्नै इक दे बाद इक दबक्खियां बैठक करगंन। सोशल मीडिया पर पोस्ट कीते गेदे इक वीडियो च विदेश मंत्रालय दे प्रवक्ता रणधीर जयसवाल होरें श्री मोदी हुंदी दुनिया दे नेताएं कन्नै गल्लबात दा ब्यौरा दित्ता। मोदी हुंदा फ्रांस दे राष्ट्रपति इमैनुएल मैक्रों, ब्रिटेन दे प्रधानमंत्री ऋषि सुनक,

जर्मनी दे चांसलर ओलाफ शकोल्ज, ईटली दिशं प्रधानमंत्री जार्जिया मेलोनी, जापान दे प्रधानमंत्री फुमियो किशिदा ते यूक्रेन दे राष्ट्रपति वोलोडिमिर जेलेंसकी हुंदे कन्नै दबक्खियां बैठकें दा आयोजन होना तैह् ऐ। उपरोतली त्रीह् बारी औहदा संभालने दे मगरा प्रधानमंत्री मोदी हुंदी एह् पैहली विदेश यात्रा ऐ। श्री मोदी होरें ईटली रवाना होने थमां पैहले आखेआ जे सरकार भारत-ईटली रणनीतिक सांझेदारी गी तगड़ा करने ते भारत-प्रशांत ते भू-मध्य सागरीय क्षेत्रें च सैह्योग गी बढ़ावा देने लेई प्रतिबद्ध ऐ। श्री मोदी होरें आखेआ जे उनेंगी खुशी ऐ जे लगातार त्रिए कार्जकाल च उंदी पैहली यात्रा जी-7 शिखर सम्मेलन लेई होआ'रदी ऐ। उनें आखेआ जे ईटली दियां प्रधानमंत्री, जिर्जिया मेलोनी हुंदी पिछले ब'रे भारत दी दऊं यात्रा दबक्खियां एजेडें च गति ते मजबूती आनने च मददगार रेई ऐ। श्री मोदी होरें आखेआ जे आउटरीच सत्र च चर्चा दरान आर्टिफिशल इंटैलीजेंस , ऊर्जा, अफ्रीका ते भूमध्य सागर पर ध्यान केन्द्रित कीता जाग। उनें आखेआ जे एह् भारत दी अध्यक्षता च आयोजित जी-20 शिखर सम्मेलन ते इस जी-7 शिखर सम्मेलन दे नतीजे च मता तालमेल बधाने ते अल्प चिकसित मुल्खें लेई महत्वै आले मुद्दें पर सोच बचार करने दा मौका होग। श्री मोदी होरें आखेआ जे ओह् शिखर सम्मेलन च हिस्सा लैने आले दुए लीडरें कन्नै मिलने लेई बी बेसब्री कन्नै इंतजार करा'रदे न।

<><><><><><>

NSA

अजीत डोभाल होरें गी इक बारी परतिचै राष्ट्रीय सुरक्षा सलाहकार ते डॉ. पी.के.मिश्रा होरें गी फही प्रधानमंत्री हुंदा मुख् सचिव नियुक्त कीता गेआ ऐ। मंत्रिमंडल दी नियुक्ति समिति नै कल इनें नियुक्तिएं गी मंजूरी दित्ती ते एह् नियुक्तियां 10 जून थमां प्रभावी न। कार्मिक, लोक शकैत ते पैशन मंत्रालय नै आखेआ ऐ जे साबका आईपीएस श्री डोभाल ते सांबा आईएएस श्री मिश्रा हुंदी नियुक्ति प्रधानमंत्री हुंदे कार्जकाल जां अगले हुक्म तगर जेहड़ा बी पैहले होए तगर प्रभावी होग। नियुक्ति समिति नै रटैर प्रशासनिक अधिकारी अमित खरे ते तरुण कपूर होरें गी प्रधानमंत्री हुंदे सलाहकार दे तौर पर नियुक्त करने दी मंजूरी दित्ती ऐ। दौनें अधिकारिएं दी नियुक्ति सरकार दे सचिव दे रैंक ते वेतनमान च 10 जून थमां दऊं ब'रें दी अवधि जां अगले आदेश तगर जेहड़ा बी पैहले होए, अमल च रौहग। इनें दौनें अधिकारिएं दियां नियुक्तियां सामान्य नियमें ते शर्ते दे मताबक अनुबंध दी बुनियाद पर होग। नियुक्ति दे मगरा श्री डोभाल होरें रक्षा मंत्री राजनाथ सिंह हुंदे नै कल नमीं दिल्ली च मलाटी कीती।

<><><><><><>

LS Speaker

लोकसभा अध्यक्ष दा चुनां 26 जून गी होग। 18में लोकसभा दा पैहला सत्र इस म्हीने दी 24 तरीक थमां होग। सत्र दरान नमें चुने गेदे सदस्येग ी औहदे ते राजदारी दी सगंध दोआई जाग। लोकसभा ते राज्यसभा दी सांझी बैठक च राष्ट्रपति द्रौपदी मुर्मू हुंदा संबोधन होग। उंदे संबोधन पर बी इस सत्र च चर्चा कीती जाग। राज्यसभा दा सत्र इस म्हीने दी 27 तरीक थमां शुरू होग। संसद सत्र अगले म्हीने दी त्रै तरीक गी खत्म होग।

<><><><><><>

Kuwait

कुवैत च होए दी अग लगने आली इक बड्डी घटना च मरने आलें 45 भारतीयें दियां अस्तिएं गी अज्ज इक विशेष डोआरी राएं भारत आन्नेआ जा'रदा ऐ। इक ब्याने च कुवैत च भारतीय दूतावास नै आखेआ जे विशेष डोआरी पैहले केरल च उतरोग ते फही दिल्ली लेई रवाना होग। मरने आलें च 23 जने केरल थमां, 7 तमिलनाडू, आंध्रप्रदेश ते उत्तर प्रदेश 3-3, ओडिशा थमां 2 ते बिहार, पंजाब, कर्नाटक, महाराष्ट्र, पच्छिम बंगाल, झारखंड ते हरियाणा थमां 1-1 जना शामिल ऐ। विदेश राज्यमंत्री किर्ती वर्धन सिंह होर कल कुवैत दी सरकार कन्नै तालमेल बनाइयै महिलाएं गी तौले मुख्य वापस आंदा जाई सकै ते घटना च भारतीयेंद । हालचाल पुच्छी सकन। बुधवारें मेनगफ इलाके च मजूरें दी रौहने आली थाहर जबरदस्त अग लग्गी गई। इस घटना च उत्थें रवा'रदे 126 भारतीयें च 45 जनें दी मौत होई गई ते 33 होर जख्मी होई गे। कुवैत पुजने मगरा विदेश राज्यमंत्री होरें तुरत 5 अस्पतालें दा दौरा कीता, जित्थें जख्मिएं गी भर्ती कराया गेआ हा। मंत्री होरें घायलें कन्नै गल्लबात कीती ते अस्पताल प्रशासन कोला बी उंदे सुआस्थ बारे जानकारी हासल कीती। दूतावास नै घायलें ते मरने आलें दे परोआर आलें दी सुविधा लेई इक हैल्प लाइन वट्सऐप नंबर 96565505246 जारी कीता ऐ।

<><><><><><>

IMD

मौसम विभाग नै मुल्खै दे उत्तरी-पूर्वी ते उत्तर-पच्छमी हिस्सें लेई गर्मी आली ऑरेंज अलर्ट आली चेतावनी जारी कीती ऐ। मौसम विभाग नै आखेआ जे अगले त्रै थमां चऊं दिनें तोड़ी पंजाब, हरियाणा, बिहार, उत्तर प्रदेश, झारखंड, ओडिशा ते छत्तीसगढ़ च मती थमां बड़ी मती गर्मी पौने दे सार न। आकाशवाणी समाचार कन्ने गल्लबात करदे होई मौसम विभाग दे वरिष्ठ वैज्ञानिक आर.के.जेनामणि होरें आखेआ जे औने आले दिनें च इनें इलाकें च तापमान 5 थमां 6 डिग्री सैल्सियस तोड़ी बधी सकदा ऐ। मौसम विभाग नै पच्छम बंगाल, सिक्किम ते उत्तर-पूर्वी हिस्सें च भारी थमां बड़ी भारी बरखा पौने दी मेद दस्सी ऐ। गोवा, महाराष्ट्र, केरल, कर्नाटक, लक्षद्वीप, आंध्रप्रदेश, तेलंगाना, पुदुचेरी ते अंडेमान निकोबार टापुएं पर बी इस म्हीने दी 17 तरीक तोड़ी बरखा पौने दे सार न। तोआई राश्ट्री राजधानी दिल्ली च बदल छाए दे रौंहगन ते हल्की छाएं दे रौंगन ते हल्की बरखा पौने दी मेद ऐ। उआं दिल्ली च बद्धोबद्ध तापमान 44 डिग्री सैल्सियस तोड़ी रौहने दी मेद ऐ।

<><><><><><>

Cricket

आईसीसी मर्दे दे टी-20 विश्व कप च कल खेड्डे गेदे इक मैच च इंग्लैंड नै ओमान गी 8एं विकेटें कन्ने हराई दित्ता। पैहले बल्लेबाजी करदे होई ओमान दी टीम 47 रनें पर ऑल आउट होई गई।

<><><><><><>